



Broj:02-04-3332-1/22
Lukavac, 29.07.2022. godine

INDEKS REGISTAR informacija pod kontrolom službi za upravu, stručnih službi i upravnih organizacija Grada Lukavac

Indeks registar informacija pod kontrolom službi za upravu, stručnih službi i upravnih organizacija Grada Lukavac (u daljem tekstu: Indeks registar) uz nazive gradskih službi sadrži i osnovne vrste informacija koje gradske službe u okviru svojih nadležnosti i djelokruga rada posjeduju. Pod informacijom se podrazumijeva svaki materijal kojim se prenose činjenice, mišljenja, podaci ili bilo koji drugi sadržaj, uključujući svaku kopiju ili njen dio, bez obzira na oblik, karakteristike, vrijeme kada je sačinjena i kako je klasificirana. Indeks registar je besplatan i dostupan je na šalteru informacija u šalter sali Grada Lukavac (Trg slobode br.1). Pristup informacijama pod kontrolom gradskih službi, bliže je uređen Vodičem za pristup informacijama pod kontrolom službi za upravu i stručnih službi Grada Lukavac.

VRSTE INFORMACIJA

a) Službe za upravu:

1. Služba za budžet i finansije

Informacije koje se odnose na donošenje Budžeta Grada; na realizaciju Budžeta po određenim stavkama, odnosno po pojedinim budžetskim korisnicima; na finansije, računovodstvo (budžet, izvještaji, informacije, zapisnici, ugovori, odluke, rješenja, zaključci te drugi podaci o kojima službenu evidenciju vodi ova Služba).

2. Služba za društvene djelatnosti i upravu:

Informacije koje se odnose na poslove iz oblasti razvoja poljoprivrede, predškolskog obrazovanja, odgoja, socijalne zaštite, kulture, fizičke kulture, sporta; nadzora nad javnim ustanovama i javnim preduzećima čiji je su/osnivač Grad Lukavac; pomoći nevladinom sektoru, manifestacije, pitanja mladih, nacionalnih manjina, mjesne samouprave, informacije koje se odnose na poslove vođenja matičnih kniga (rođenih, vjenčanih, umrlih), općeg biračkog spiska, ovjere potpisa, prepisa i rukopisa, pisarnice i arhive, informacije koje se odnose na oblast boračko-invalidske zaštite, socijalno-statusna pitanja porodica šehida, palih boraca, ratnih vojnih invalida i mirnodobskih vojnih invalida te boraca

Strana 1 od 4

narodnooslobodilačkog rata kao i na oblast dodjele alternativnog smještaja za potrebe socijalno ugroženih kategorija, raseljena lica i povratnike (izvještaji, informacije, zapisnici, ugovori, odluke, rješenja, zaključci, stručna mišljenja te drugi podaci o kojima službenu evidenciju vodi ova Služba).

3. Služba za investicije i razvoj

Informacije koje se odnose na poslove iz oblasti razvoja, planiranja realizacije projekata i izgradnje, akata u oblasti investicija, razvoja, EU integracija, javnih nabavki, uvjerenja o činjenicama na osnovu službene evidencije; informacije iz oblasti strategije lokalnog ekonomskog razvoja, operativnih planova, programa i projekata vezanih za lokalni ekonomski razvoj, plan javnih nabavki, informacije koje se odnose na putne i vodovodne mreže, javnu rasvjetu i izgradnju objekata za društvene namjene, mjere za rješavanje podnesenih zahtjeva i pokrenutih inicijativa i realizacija mjera (izvještaji, informacije, zapisnici, ugovori, odluke, rješenja, zaključci, stručna mišljenja te drugi podaci o kojima službenu evidenciju vodi ova Služba).

4. Služba za komunalne i inspekcijske poslove:

Informacije koje se odnose na poslove iz oblasti komunalne izgradnje, održavanja komunalne infrastrukture; informacije o stanovima, poslovnim prostorima i garažama u vlasništvu Grada Lukavac; informacije o nadzoru nad radom komunalnih preduzeća; informacije koje se odnose na primjenu propisa iz nadležnosti tržišne i turističko-ugostiteljske inspekcije, komunalne, urbanističko-građevinske i sanitarne inspekcije (izvještaji, informacije, zapisnici, ugovori, odluke, rješenja, zaključci, stručna mišljenja te drugi podaci o kojima službenu evidenciju vodi ova Služba).

5. Služba za urbanizaciju, imovinske i geodetske poslove:

Informacije koje se odnose na pripremu i izradu prostorno-planske dokumentacije, originalnih planova i karti za potrebe projektovanja; informacije vezane za prostorno uređenje, građenje, urbanizam i zaštitu okoline; katastar klizišta; izdavanje urbanističkih saglasnosti, odobrenja za građenje i upotrebnih dozvola; informacije koje se odnose na evidencije o nekretninama, poslovnim prostorima u vlasništvu Grada; obnavljanje uništenih i oštećenih biljega i oznaka premjera na području Grada Lukavac, informacije o provođenju promjena u geodetskim planovima, kartama i elaboratu, katastarskom operatu te promjena upisanih prava na nekretninama u odgovarajućim upisnim listovima, informacije vezane za obnovu dotrajalih dijelova ili cijelog katastarskog operata, na rješavanje u upravnim stvarima iz oblasti imovinsko-pravnih odnosa, informacije koje se odnose na izradu dokumenata prostornog uređenja (prostorni i urbanistički plan, regulacioni planovi, urbanistički projekti, planovi, parcelacije, projekti uređenja terena); informacije vezane za poslove visokogradnje i niskogradnje, geodetske poslove (snimanje i izrada geodetskih podloga u digitalnom obliku za sve vrste projektovanja, trasiranje, iskoličavanje i nadzor, formiranje i primjena GIS-a); informacije vezane za poslove iz oblasti geologije (izrada geoloških podloga za sve prostorne i urbanističke dokumentacije, informacije vezane za izradu stručnih mišljenja iz oblasti geologije). (izvještaji, informacije, dokumenti prostornog uređenja, stručna mišljenja, stručne ocjene, zapisnici, ugovori, odluke, rješenja, zaključci te drugi podaci o kojima službenu evidenciju vodi ova Služba).

6. Služba civilne zaštite i zajedničkih poslova:

Informacije koje se odnose na oblast zaštite i spašavanja ljudi i materijalnih dobara, zaštite od požara i vatrogastva, zaštite i spašavanja od prirodnih i drugih nesreća u Gradu Lukavac, te na oblast upravljanja i održavanja zajedničkim dijelovima i uređajima u zgradama. Informacije vezane za finansijsko upravljanje i kontrolu; informacije vezane za informatizaciju Gradske uprave (izvještaji, informacije, zapisnici, ugovori, odluke, rješenja, zaključci te drugi podaci o kojima službenu evidenciju vodi ova Služba).

b) Stručne službe:

1. Stručna služba Gradonačelnika:

Informacije koje se odnose na poslove izrade strateških ciljeva i politika gradske administracije; poslove razvojnog planiranja i upravljanja razvojem; pripremanje nacрта i prijedloga općih i pojedinačnih akata iz nadležnosti Gradonačelnika čija izrada nije u nadležnosti

drugih gradskih službi; pripremanje, sazivanje i sačinjavanja stručnih analiza i pripremanja izvještaja i informacija za potrebe Gradonačelnika; studijskoanalitičke poslove i informiranje javnosti; ostvarivanje saradnje i realiziranja projekata sa inostranim subjektima, međunarodnim nevladinim organizacijama, organima i institucijama Evropske unije; organizaciju i protokol manifestacija koje organizira Grad; održavanje sjednica Kolegija Gradonačelnika, upravljanje ljudskim resursima; poslovima iz oblasti rada i radnih odnosa, vođenja evidencija i čuvanja dokumentacije uposlenih (izvještaji, informacije, zapisnici, ugovori, odluke, rješenja, zaključci te drugi podaci o kojima službenu evidenciju vodi ova Stručna služba).

2. Stručna služba Gradskog vijeća

Informacije koje se odnose na pripremanje, sazivanje i održavanje sjednica Gradskog vijeća Lukavac i njegovih radnih tijela (propisi, odluke, zaključci, zapisnici, smjernice, preporuke, stenogrami Gradskog vijeća Lukavac, kao i akti radnih tijela Gradskog vijeća Lukavac te drugi podaci o kojima službenu evidenciju vodi ova Stručna služba).

GRADONAČELNIK
Dr.sci.Edin Delić

